

咸寧縣志

一
函
八
冊
函

咸寧縣志卷二十二

義行傳

漢徙豪傑於關中霸陵杜陵遊俠最盛雖儒者交譏亦足以矜式頑鄙後世鄉曲之士有能贍困拯急功在閭里者載筆之士樂與稱之昔人所謂一介之士存心愛物於物必有所濟也作義行傳

漢

張奮字穉通

純子杜陵人

少而好學節儉行義常分捐租俸贍卹宗族

雖至傾匱而施與不忘永元六年爲司空時歲災旱乃口陳時

政之宜明日和帝錄囚徒收洛陽令陳歆卽大雨三日奮在位

清白九年以病罷十三年更召拜太常上疏曰王者化定制禮

功成作樂謹條禮樂異議三事願下有司考定帝善之其冬以

病罷卒於家

後漢書張純傳

南北朝

韋正字敬直

放弟杜陵人

起家南康王行參軍稍遷至中書侍郎出爲

襄陽太守初正與北海王僧孺友善及僧孺爲吏部尙書郎參

掌大選賓友故人莫不傾意正獨澹然及僧孺擯廢之後正復

篤素分有踰曩日論者稱焉歷官至給事中黃門侍郎

梁書韋叡傳

韋肅字遵順珍子少有志歲儉以家粟造粥飼饑人所活甚衆遷

右軍將軍梁遣刺史田麤憙寇肅於石羊岡肅破斬之以功封

杜縣子卒於侍中雍州刺史諡曰宣

明

韓洲字子瀛樂善好義竭力事親嘉靖間大祲賑粟百石郡守欲

旌固辭嘗晨出見一人遺金號泣欲死洲卽如數予之祖業盡

讓兄弟及兄卒子尙幼爲擇師婚娶及長又給金二千兩洲卒
尙書王公旌其墓

蒲福成化間大祲福傾貲賑濟復出米三百石鄉民得全活者甚
衆詔賜袍章

曹恭成化間歲祲斗米千錢恭積粟數百石計口周濟多所全活
拾金五百兩守待三日遺金者至如數還之欲分謝弗受恭後
家貧四壁蕭然終無怨尤子蘭孫韓皆成進士奕世衣冠不替
王昌允字元嗣孝義爲通國所稱篤學不事奢華父用賓晉秩宗
伯凡在外達官無不介紹里第以通問好公緘扉不內門第肅
清如冰入都謁選所歷郡縣供役郊迎輒省騶侍遁去乘一花
馬巖世蕃心慕之舉酒相囑曰若翁已應金甌何不以馬易轡
公陽應之是夜製衣襲馬而遣歸焉其特立不阿類如此以廕

監授後軍都事貤封奉直大夫

王表萬歷間奇荒捐粟百石濟饑活者甚衆

黃宿由承差見取於王端毅公爲靈寶桃林驛丞時礦賊作亂宿承檄深入撫之賊不加害竟散去後致仕課子讀書與宗兄華依呂氏鄉約爲宗會朔望一舉之鄉人死無葬所者捐地爲塋陳武字東衢鮑陂里義民也事親以孝聞好施濟遇凶歲鄉里恃爲外帑民到今稱之

趙佩性好施予成化間歲饑輸粟數百石全活甚衆後累世衣冠

不絕咸謂積德之報

以上並見舊志

熊大銳號南崗以子貴贈直隸廣平推官素行慷慨每歲歛出粟周恤貧寒平涼張某貸豪家金數百不能償公代償之無德色姑蘇陳商病遺金盈囊托公付後嗣及陳死子至出金授之封

識如故後疾篤召負欠者無論多寡盡焚其券子萬騰以舉人仕解州知州孫惟繩以拔貢仕福建都司惟紆廩生因子貴馳贈御史曾孫焯以進士任御史侍郎崔爾進志其墓

採訪冊

陳自功好施濟崇禎間奇荒輸粟數百石知縣匾曰尚義可風

舊志

本朝

楊昇號崇吾前明大司馬孫公傳庭之故交也大司馬以討逆闖李自成遭霖雨連旬餉不繼逆闖突入潼關大司馬退守渭南渭南師陷大司馬戰歿於軍親屬殉節者七人惟遺孤隨僕逃奔崇吾崇吾乃多方保護

國朝定鼎後崇吾已老召次子培芝囑之曰汝能使遺孤成立吾可以見孫公於地下矣培芝受命始終不懈其後孫公遺子成就皆出於崇吾素志而培芝能不負貽訓也康熙初雲

中張鹿洲先生官陝西聞其事匾於門曰義婉趙臣又以崇
吾長子名生芝號迂菴爲關西醇儒閭里相傳一時稱楊氏

三傑云

採訪冊

何天裕秉性以孝友稱葬諸父恤其子若孫與同居至完聚成
立鄉里咸義之崇禎間奇荒出積粟以救活人甚衆姻戚貧
者寄食於家亦爲婚娶人有忿爭嘗輸資解之

舊志

郭舜命字恭一府學生氣度魁梧識學淵博事涉於義力爲之
國初邑民苦差煩逃者甚衆舜命陳情邑令設法寬減民獲寧

一焉知縣白秉真請

旌匾曰擔當傑士

舊志

熊炷字闇修號雅菴

誥封陝西道御史惟紆之季子焯之胞弟也生而樂善有祖父風

弱冠應童試未售遂援例入太學效曾祖大銳公義舉捨棺木立義學鄉黨親友貧不能喪葬婚娶者多捐助焉康熙壬申本邑遭奇荒斗米千錢公罄粟賑濟遠近村民活命無算陳邑宰重其人欲以義行請

旌公固辭遂率紳士村民數百家同立功德無量碑

採訪冊

劉祐字篤生康熙間歲貢爲諸生試輒冠軍問業者恒接跡生

平尤留心經世大務嘗立仁義社倉以賑貧民全活甚衆

通志

傅宗英字才寰太學生賦性忠厚義舉不可殫述尤可重者質

易漢南爲義子娶妻張氏出聘金百餘欲送歸本邑合卺張

氏泣曰妾有夫有子爲窮所迫爾英曰爾勿泣吾豈惜百金

而使爾夫妻母子生別耶遂令氏返南鄭知縣陳公聞之贈

額曰高義可風孫繼志慷慨好施有乃祖風

採訪冊

李允恭字伯令恩貢生鄉飲大賓賦性醇良敦行孝友嘗設文社延明師招四方來學者筆墨紙費悉出於已且親自督課數十年成名者指不勝屈乾隆年間屢修學署豐灞二橋首督其工每歲饑出粟數百石給鄉民年七十有七卒弟允寬歲貢生工書法允升壬戌進士任杭州知府允恭以子貴

誥封奉直大夫長子汝琬仕至河南南陽府知府季子汝珣中戊

午科舉人仕平涼教諭孫等多列膠庠人稱積善餘慶

採訪冊

祁璋字瑞南貢生鄉飲大賓生平尚義行設立義塾延師課鄉

黨子弟凡筆墨膏火之資皆代備焉每冬施炭錢棉衣以

孤貧邑令劉公匾其門口風高洛社又刊刷太上感應篇

於世姪世爰字南陸援例授州同樂善好施嘗施棺木

救人刊刷丹桂籍勸世人咸謂乃叔乃姪不愧一

晁陞字景山號晉堂長邑學生援例授員外郎

誥封朝議大夫輕財尚義與邑人傅正志捐貲同修書院及碑林
又南北二關路每秋霖泥濘行人苦之獨出數千金用石鋪
砌值歲歉數出金粟周恤鄉民巡撫方公維甸具題奉

旨賜義重解推匾額後卒妻周氏克繼夫志施財濟貧觀察費公

濬贈額曰手線推仁時稱爲賢夫婦云

採訪冊

傅正志號南塘太學生生平尚義輕財親族中有無力婚葬者
隨時資助不能餬口者散錢給粟數十年如一日尤可重者
出貲重修忠孝節義二祠暨書院齋房種種義舉所費不下
數千金而無德色可謂有古人風矣

採訪冊

葉逢春字資實附貢生居家以孝友聞有堂弟某幼失怙撫育
成人族人某家徒壁立鬻田於外代爲贖還且給恒產焉族

人某年老無子公生養死葬始終如一周恤鄉隣每年冬按口給糧百石乾隆年間屢遭大祲又慨捐粟數百石時疫大作施藥施棺親爲經理設立義塾以教貧寒常年給筆墨紙費工醫術尤精銅人針灸法求者屢滿於門雖嚴冬盛暑不辭其勞由是鄉人皆稱曰佛卒年七十有八聞訃者無不流

涕

採訪冊

馬化鵬字雲菴宣平坊回部人家素封日以周急爲懷每歲出數百金以賑饑救困凡鄉閭戚友之告貸者必慷慨施予而不受其貸中丞秦屢欲

聞諸朝鵬堅辭方伯陳公贈其文曰立德立功不求人知兄化麒

亦好義俱爲回部之望云

採訪冊

于步雲字虛中太學生父早逝事繼母待幼弟以孝友聞素工

醫求治者接踵不計利每遇歲歉出粟周恤至婚葬疾病捐貲無算修大義峪橋土人立碑記之官廩助賑粟三次屢蒙上憲給匾晚年家中落悉取逋券焚之猶以藥濟人嘉慶二年卒至今人猶追慕不置云

採訪冊

陳錫字永菴援例捐布政司理問品端好善東郭官道不平捐金數千用石鋪砌負郭南文昌閣傾圯捐貲重修米商被盜號哭欲自縊錫給金遣其歸里至遇歲歉卽出金粟全活鄉人至今後嗣衣冠不替人謂積德之報

薛注字拙川品端行正素好施舍鄉里有不能冠婚喪葬者卽助與之每逢歲歉輒爲散粟濟貧里人有家貧鬻子聞之卽附金贖還恩養成人性好醫術嘗施藥救急邑宰畢公嘉其行擢爲鄉飲賓題額曰品重瀛洲

李應瑚少孤事母孝尤好施值歲歉數出粟周卹鄉隣邑南大義峪內木石橋數十餘道悉爲損壞每逢天寒行人苦之瑚與張存福同捐貲補葺完固

張存福家素寒儉樂善好施嘗貿易漢江地江有鐵線灘福罄其餘囊鑄鐵鍊十餘丈又修補大義峪木石橋梁時有善人

之稱

並採訪冊

咸寧縣志卷二十二

孝友傳

粵自周京漢京宏長名教施於有政著之特科垂範勵俗其來遠矣唐王世貴宋興貴以篤行著鄉里高祖手詔褒之孝友之風斯邑爲盛今

國家令有司朔望讀法

侯洋洋以敦孝弟重人倫爲首學宮置孝弟祠凡舉孝行及數世同居者皆

旌門如故事崇獎之典邁於有唐矣至若瀝胸剖股例禁所存令甲雖頒而愚蒙未盡諳曉當其憂思所鬱肫誠所激固一往而不返者也寧有審顧利害之見縈厥心哉存其姓氏爲頑懦者表焉作孝友傳

漢

馮豹字仲文

衍子杜陵人

年十二其母爲父所出後母惡之嘗因豹夜

寐欲行毒害豹逃走得免敬事愈謹時人稱其孝長好儒學以詩書春秋教驪山下鄉里爲之語曰道德彬彬馮仲文舉孝廉拜尙書郎忠勤不懈每奏事未報嘗俯伏省閣從昏至明肅宗聞而嘉之使黃門持被覆豹勅令勿驚時方平西域以豹有才謀拜爲河西副校尉和帝初數言邊事遷武威太守視事二年河西稱之復徵入爲尙書永元十四年卒

後漢書馮衍傳

梁

韋愛字孝友

獻族弟杜陵人

沈靜有器局少而偏孤事母以孝聞素性清

介不妄交遊篤志好學每虛室獨坐遊心墳索而埃塵滿席寂若無人及長博學有文才尤喜周易及春秋左氏袁顗爲雍州

刺史辟爲主簿遭母憂廬於墓側負土起墳高祖臨雍州問之
親往臨弔服闋引爲中兵參軍義師之起也以愛爲壯武將
時京邑未定雍州空虛魏興守顏僧都等據郡反愛沈攸之
素爲州里信服乃推心撫御曉示順逆兼率募鄉里得千餘人
與僧都等戰大破之百姓乃安蕭穎胄之死也和帝徵愛襄陽
愛從始興王憺赴焉先時巴東太守蕭瑱巴西太守魯休烈與
兵來逼荊州愛以書諭之瑱卽日請降高祖受禪進號輔國將
軍尋除寧蜀太守西上襲劉季連行至公安道病卒贈衛尉卿
手乾向官至鍾離汝陰二郡太守

梁書韋
獻傳

北魏書
韋儵字穎超

範子杜陵人

早有學識少孤事祖母以至孝聞性溫和廉

讓爲州里所稱太和中襲爵歷位都水使者子子繁字暉茂齊

王蕭寶夤引爲主簿轉參軍寶夤反子粲與弟子爽執志不從相率逃免雍州平賜爵長安子子粲兄弟十三人並有孝行居父喪毀瘠過禮負土成墳弟榮亮字子昱博學有文才德行仁孝爲時所重歷諫議大夫衛大將軍子綱字世紀有操行才學

開皇中位趙州刺史有子文宗文英並知名

北史韋閱傳

韋休之

崇子杜陵人

貞和自守未嘗言行忤物歷位給事中安西將軍

光祿大夫子道遠中山太守道建東閣祭酒

北史韋閱傳

杜叔毗字子弼其先杜陵人父漸梁邊城太守叔毗早歲而孤事

母以孝聞仕梁爲宜豐侯蕭修府中直兵參軍大和十七年周

文帝令大將軍達奚武圍修於南鄭修令叔毗詣闕請和文帝

見而禮之使未及還而修中直兵曹策等謀以城降時叔毗兄

隋獨從子映與晰各領部曲曹等忌之懼其不同已遂誅以